



Ilihimajakhatit haffumani QALAGJUARNIGUT -19 aanniarnairutikhanut Kanatamiunut

Havaqatigiiktut Kanatamiunut hivuuranaittumik ihuaqtumiglu QALAGJUARNIGUT-19 aanniarnairutikhanut

Aanniarnairutikhanut ahiittuq ihuaqpiaghuni inikhaanut hiamittailinahuariami naiglinahuarlugillu ihuiluutaujuq aanniarnaqtumik aanniarutit, hilaqutauniagut qalagjuarningit, hamnaugumi hilaqutaunigut qalagjuarniq uuminngaluuniit nutaranut aanniaqhimanit. Hivuuranaittumik unalu ihuaqpiagtumik aanniarnairutikhanut kapittirniq (t) haffumani QALAGJUARNIGUT-19 hapummijauniarmadjuk uvaptingnut tamainnut qalagjuarniq aanniarutit ihumagijaujukhat aplurvikhaq hivuuranaidjutikhaq inuuhirnut Kanata iluani hilarjuarnullu. Kanata Kavamarjuangit havaqatigiiktut tamainnut aturluarnaqtut hivunnganit hivuuranairiama unalu ihuaqtumik aanniarnairutikhanut kapittiqtakhat ilagijaujullu pivikhait Kanatamiunut. Hamnaujut Kanatamiut ilihimajakhait hivunngani QALAGJUARNIQ-19 aanniarnairutikhanut.



Kihimiinnaq aanniarnairutikhanut kapittirnit hivuuranaittut ihuaqhutiktauq angiqtauniaqtut aturiami Kanata iluani. Kanata ilitarijaujuq haniraanut hilarjuarmi puqtuhilluaqtuq maliktangit haffumani [timingnut aanniaqtailidjutikhaat kapittiqtakhanut qimilurningit, angiqtauhimajut unalu munarijakhaat](#) aturvikhait; tahapkuat himmauhiqtaulaittut. Kanata Kavamarjuangit tikilluaqhimajangit aturluaqtakhaat inikhautikhangit niuviqtauhimajut ihivriqtaulluaqtut uuktuutigijangit nalunajainigut amihurjuangani ukpiqtauhimajut aanniarnairutikhanut kapittiqtakhanut ikajuqtaujumajunut, havaqatigijangit hilarjuarmit maliguarutaujut nunalingni hiamittailinahaqhugit QALAGJUARNIGUT-19 kapittiqtakhanut hivuuranaittut ihuaqhutik aturluaqtinnagit angiqtaugumik..



Aanniarnairutikhanut kapittirnikhanut angmaumajut inungnut tamainnut.

Kihinnguutaungmat hilarjuarnut manngit ikajuutikhanut havaqatigiikhtut, avatquttumik 150 kapittirnikhanut ilaujumajunut qaujijaqtauhimajut hilarjuarnut tadjamut. Kanata Kavamarjuangit [qimilruutiijut Kanatami hanajauhimajut qaujijaqtut iluligtauhimajut niuviqtakhanut angirutaat](#) amihut hannaraaluit miliannit atuqtakhaat ukpiqtauhimajut kapittirnikhanut aturumajut uvannat haniraanit hilarjuarmit. Tuniniaqtangit Kanatamiunut inikhautikhangit hivuuranaittumik ihuaqtumiglu kapittiqtakhanut hannajariiqqata. Tamainngittut kapittiqtakhanut iniqhimalaittut, taimaa niuviriiqhimajavut qaffiujut ukpiqtauhimajut kapittiqtakhanut aturumajunut. Aanniaqtailinirnut Kanata hivunigijaat [qimilruqtangit unalu angiqtakhaat](#) QALAGJUARNIGUT-19 kapittiqtakhanut qilamiuqtumik, pidjarikhigiangani qaujijaqtaulluaqhimajut hivuuranaittutiglu.



KAmihuunginnamik hivunnani, hamna aanniarnairutikhanut kapittiqtakhanut angiqtauhimakpat aturiami, amihuujut hivullitaujukhat. Niriugijavut iniqhimaittut pivikhait haffumani ikittuuvlutik miliannit kapittiqtakhanut hivunnani ublukhautikhainit tatqiqhiutigullu hamna Aanniaqtailinirnut Kanata angiqhimagumiuk aanniarnairutikhanut kapittiqtakhaq(t) aturnaqtut Kanatami. Taamna tukiqaqhuni kavamait havaqatigiingniaqtut huli qiniqhiaqhimmahutik avaliqanngittut ajuittut, haffuminngatut [Kanatamiujut Kiuvikhautikhangit Katimajiralaq haffumani Aanniaqtailinirnut Kapittiqtakhanut](#) (NACI), ihumaliuriami haffumani qanuq hivullitigijakhaat aanniarnairutikhanut kapittiqtakhanut. Taimaa auladjutiginiyaqtavut aktuqhimagiangani hapummijaami tahapkuat aanniarnarilaqtut inungnut amihuuningit tahapkuat ikajuinnaqtut aanniarjuarnigut kiuvagaat, inungnut unalu havakpaktut munarijaat. Naammanaarumik kapittiqtakhanut angmaumagumik, kapittiqtakhanut piliriakhaq angiklijuummirniaqhuni.



Iluaniittut timingnit angiklijuummiriangani kajumiittuq. Atauhiq kapittirniq avaliqalimannigilaq ikajuriami inuk hapummigiangani. Tuglikhaanit kapittiqtakhaajutit taimaa timivit aullaqtiriangani nalaumavikhaanit. Tadja ilihimannigitaqut hup timingnit ilulikhaanit inungnut amihuuningit ihuarijamingnit tikinnahuariami [nunalingni timingnut kapittirnikhaq](#). Talvanngaani, Kanatamiut huli algangit uaqhimainnarlugit, [aihimainnarlutit](#) aanniaqhimaguviit, munariinnarlugu, [timingnut unqahikhimainnarlutit](#), [kiinnaqutit ivjaruqainnarlutit nalaumattiaqtumik](#), atuinnaqhimallutillu ihuaqtumik [qalak](#) unalu [qaanganiittut](#) halumahimainnarlutit.



QALAGJUARNIGUT-19 aanniamairutikhanut kapittiqtakhanut akiqanngittut. Amigailiqhutik aanniarnairutikhanut kapittiqtakhanut hanajaukpat tunijauvlutik, niriugijavut tunigiami akiqanngittumik aanniarnairutikhanut kapittiqtakhanut tamainnut Kanatamiunut pijumajainnit. Ilihimaqut nunaqaqtugut hilarjuarmi nunalingni, maliinnaqtavut pidjarikhigiangani [naittumik tuglirniittullu-havaktut maniliurahaqtut hilarjuarmi pivikhaanit](#) hivuuranaittumik unalu ihuaqtumik QALAGJUARNIGUT-19 aanniarnairutikhanut kapittiqtakhaq(t). Tamapta hivuuranairiam, huli qajangnaqpiiaqtuq utitqilaaqtuq aanniarniq uvanga QALAGJUARNIGUT-19.



Aanniarnairutikhanut kapittirniq ilingnit ihumakhatit hapummigiiani ilingnit, ilatit nunaptingnilu. Aanniarnairutikhanut kapittirniq [nanminirijait ihumagijait](#) hivitujumik anginiqhautaujut Kanatamiujut angiqhimajaat ilagigamiuk nakuujumik aanniarnaittumik ihumagijaujukhaq aanniaqtailinahuariamik ulurianaqpiiaqtumik aanniarutit.



Malittiaqhimajavut havaqatigijumajavut Kanatamiunut unalu ilingnut nalunaiqhiigiami. Hulijakhat aallannguqpallianaqtut, hamnalun inikhautikhavut. Niriugiinnaqhugulu Kanata’p inuuttiarnaqtumik-aulattittivikhangit inungnut aanniaqtailinirnut, ajuittut havagluaqhimajut qaujihaqtit, aanniaqtailinirnut ajunngitpiaqtut, havaangit, nunalingnilu hivuliqtuijut unalu Nunaqaqaaqhimajut qaujimaajit munarijaatigut uvuuna apquhiurvikhangit Kanatamiunut hivuuranaittumik ihuaqtumiglu QALAGJUARNIGUT-19 aanniarnairutikhanut kapittirniq. Ilvit nalunairumagunni takuinnarialik uvunga [Canada.ca/coronavirus](#) ukpiinnarlugillu [ikajuutaujut avatikhait](#) nalunaitkutikhaq.